

金城歸來正值傳飛捷露布催書倚馬纓

送子完入北京

向時同學半輕裘少誤詩書老未休投謁豈皆秦士  
賤飄零聊作漢京遊軒車流水終朝去甲第連雲盡  
日浮豈少一間寒士厦大都只要主人收

寄彬仲

時客燕

學劍無功書不成難將人壽俟河清風雲似海蛟龍  
困歲月如流解肉生萬戶千門瞻壯麗三秋一日見  
心情平原食各多雲霧去必於中識姓名

爲子微題鷓鴣圖

鷓鴣對啼見本草

瘴雨蠻煙巔樹蒼舊遊曾記泊桅檣對啼江岸霜初  
歇獨聽扁舟草正芳旅景誰將上縑素羽衣今復見  
茅堂似嫌越鳥南枝慣擬欲乘風向北翔

遊齊雲巖

時有所感

插梅曾寄道情真別館花開幾度春明月空中歸玉  
輦白雲深處坐金身九重每下酬恩詔四海應多求  
福人自笑閒尋猿鶴侶也携香瓣逐行塵

兩宿齊雲下憇逆旅夜大雪因復登眺

夜投山店醉眠休早起茫茫攬敝裘更向松間尋舊  
侶要於雪後倚高樓幾重碧殿深相映萬里瑤臺儼  
若遊歸路欲迷何處覓野梅花落遠溪流

孫忠烈公挽章

行藩黃屋車何用上壽瑤階酒未酣豈有蒲庭持漢  
節終無個士死淮南百年正氣天爲未一覺忠魂夢  
亦甘詞客幽懷關世事悲歌重扣劍之鐔

下第回值九日登塢土山訪北庵上人

歸家忽已逢重九仰向高山試一登舌在何爲更問

婦輩除元不是求僧秋雲隔水流數片落葉依巖積  
幾層話了出門月初上岸蘆汀菊也相應

訪玉芝師夜宿新庵同蕭女臣

叅禪喜與梁王裔合掌跏趺野竹叢坐久空堂諸呪  
歇夜深明月四山中親陪客話拈珠串獨臥行單坦  
片椽一宿相留渾舊事無生自愧未嘉公

芝師將返天池山贈別

分宗演教龍南住因得芝公過兩番又辭弟子留清  
偈歸到天池坐講園佛性本來同水月師門曾去解

御文最三集  
卷之七  
風旛自知一夜忘身念不及朝朝聽法猿

予被風半面骨痛鼻黃涕注七日舉巖傳君爲  
行灸艾方灰而痛已明日涕尋塞往聞舉巖  
說經絡穿貫甚理又自述奇活者多而無師  
授曰吾明陰陽之理也以厭學校將之京故

詩引黃軒岐伯

曾於坐上分經絡似聽庖丁說解牛抱易來遊半壁  
水無師教飲上池流親經灼艾收雙涕并道之京在  
九秋近日軒黃正施藥欲憑岐伯萬方瘳時上方施藥

往年觀伎走解意當是北產故綴四律首章用  
北語今年復來知是金陵上元人又携一少  
伎同坐鑿上分鐙放體空中名曰童子拜觀  
音乃昔年所無者

人似明珠馬似盤超騰隱現不離鞍各彎鐙底羅鞋  
窄都在空中粧翠寒合掌幾回投地去同心雙蝶隔  
花攢莫嫌歲歲頻來往家住金陵自不難

贈諸暨朱醫士

號省爽以墮馬攀手腰

五十年餘拄杖行僂僂真有丈人情丹房恰傍青山

麓藥產應多紫石英服餌未成還住世縣官纔到便  
知名何時墮馬因拘攣偏稱良醫三折肱

十一月十一日雪初霽寶壽寺一首

寶壽寺禪宮萬山裡來遊况值雪晴初雪晴峯上雪還  
積山裡禪宮山更虛一樹高枝全遶蔓兩池寒水自  
潛魚就中絕壁堪招隱云是陶朱舊隱居

與王山人對語

山人訪一貴遊不合而歸

仗劍渡江王猛身歸來又共坐青袍平原自有三千  
客門下聊同十九人曾許鳳雛應不忝由來龍性本  
難馴又知世事只如此且借清樽一洗塵

寄朱君邦憲

朱嘗寄惠素問時督府胡公誘縉王直

鴈去魚來復幾春托緘猶勝挹清塵久居海畔知時  
事遠寄方書慰病身鄉里自應淹孺子將軍今已縛  
盧循臨風更得南鴻便報與家藏季布人

元夕休寧道中遙憶鄉里

陌上雙雙結袂翩如飛燕蹴輕塵一年樂事花流  
水幾夜他鄉月照人驛路酒家留去馬溪橋梅色弄  
新春相隨惟有孤龍劍會向囊中笑客貧

予過龍游拜貞女徐蓮姑祠墓因感湖嚴氏女

迹久湮次壁韻

蓮姑祠下草初青欲薦蘋芽摘遠汀獨立荒墟悲往  
昔却慚良友負幽冥鳳樓有約今何在蘭畹無風祇  
自馨妙魄凌波應不散擬將消息問湘靈

乙丑元日大雪自飲至醉逐呼王山人過尚志

家痛飲夜歸復浮白於園中

元日獨酌不成醪穿隣喚客雪中過三百六句又過  
矣四十五春如老何憤歎漸知簪髮少興豪那計酒

籌多小園風景偏宜雪綴柳粧梅有許窠

送李浙東公

僊亭公也時尚以郡伯入考成而未寄

棠樹新陰匝畫輪那堪驅馬覲 楓宸虞廷此日仍

三考漢吏如公有幾人走送忽逢何處叟言歸猶戀

去邊塵獨憐末士懷偏切束帶親勞授簡頻

丙寅元日

小園梅柳色津津海國迎陽易得新令節已更今歲

日微疴莫戀去年身鳳鳴梧引真平世時有海主事公之疏女

嫁男婚漸老人尚有舊心消不得偏題采筆對青春

病後欲絕筆於舉業  
并諸散文而不能也

日者孫養靜為推予命無以酬之因其索號詩

賦此以了人事

孫目雙瞽

布袍如雪擁高冠湖海投身歲月殘歸解客囊無一  
事出携孺子只雙餐時挾一兒以行臥聽鬪蟻將生慧性悅  
青山不待觀足遍朱門心白寂莫將踪跡誤相看

與客觀潦于三江水門二首

客為沈箕仲傳文石馬榮之羅查塢

亂流如髮束長虹猛潦初晴約客從枚叔觀濤八月  
後使君失筋萬雷中瞿塘象馬迷春雪瓠子魚龍上  
夜風浩渺總無如此處連天盪日海洋東

二

老守蜀湯公也水門其所創者祠在焉

當年驅石障洪流此日翻為麗景遊老守端居渾似  
昨巨鰲持浪不勝愁隔河鵲起橋驚墮對岸潮來雪  
倒流寄與祠靈莫歸去時時鄉國聽黃牛

賦得清秋落葉

白帝乘秋秉素魄青娥挾露弄風威榮枯不敢違天  
意搖落偏當寄客衣大漠霜淒隋角散孤城月白伴

砧飛鏡中不久繫桃李愁殺秦川織錦機

飲太白樓

城上高樓接大河城南池沼遶朱荷千年供奉飛杯地一夜徐州上水歌露冷秋蛾爭彩燭川長風荻亂金波客中行樂無過此前夕中秋何處過

楊道人訪我于繫索詩

道人半在城都行今過稽山上禹陵身載瞿塘雪後水手拖筍醬國中藤稍談鹿粟延卑品欲拔鷄群亦上昇近日菑康知不免懶將消息問孫登

八僊臺次韻

本名長春祠在西湖南山深處

南山佳處有仙臺臺畔風光絕素埃羸女只教迎鳳入桃花莫去引人來能令大藥飛鷄犬欲傍中央剪草萊舊伴自應尋不見湖中無此最深隈

新秋避暑豁然堂

竹雨松濤響道房瓜黃李碧酒筵香人間何物熱不喘此地蒼蠅凍欲僵一水飛光帶城郭千峰流翠上衣裳窓前古木榰枝入好挂輕絺細雪涼

過陳守經留飯海棠樹下賦得夜雨剪春韭

春園莫雨細泱泱  
韭葉當籬作意長  
舊約隔年留話  
久新疏一束出泥香  
梁塵已覺飛江燕  
帽影時移亂  
海棠醉後推敲應不免  
只愁別駕惱郎當

迎春值雪

連歲雪多甚

雲黃瓦台照千家  
雪裡迎春倍物華  
士女紅樓先捲  
幔吏人采杖忽生花  
瑞多自古無連歲  
路滑從東接  
郡衙半是三農占  
水旱直隨牛尾不辭賒

清風嶺

赤霞城畔女郎身  
曾將羅袖障胡塵  
半巖竹淚猶啼

月一水菱花解照人  
那取葉砧還破鏡  
祇待完璧碎  
強秦江天風雨來  
何急似覺詩成泣鬼神

宮人入道

明月宮女名

昭陽隊裡混鉛華  
垂老叅師日半斜  
不向秋風怨團  
扇却教明月進琵琶  
朝留楚篔身爲雨  
夜繡茅君線  
作霞見說緱山閑姊妹  
尚論恩寵舊誰家

贈秦守道

號水玉山人

水玉山人本絕埃  
西湖自築初陽臺  
何年養鶴曾飛  
去是水當門盡遶來  
道士忽逢松樹下  
漁舟放在藕



後長三集 卷之七  
花隈知余欲與爲隣舍指點孤山一角梅

登東天目宿寶珠上人房却贈上人爛芋爲供食已登巖

高峰俯視  
錢塘如帶

天目高高八百尋夜來一榻抱千岑長蘿片月何妨  
挂削石寒潭幾處深芋子故燒殘葉火蓮花卑視大  
江心明朝欲借橫空錫飛度西山再一臨

西天目

高峰斷崖兩師骸已火獨中峯錫  
于兩麓山上松杉特繁崖壁如削

法侶當年此結巢于今囚大未全燒長龕短甕金三  
具削岫剝厓鐵幾刀獅象渡河從彼岸松杉催海上

餘濤揭來一弄清溪月又出谿南第幾橋

宿長春祠夜半朱君扣榻呼起視月山缺處露

錢塘僅一勺而夜氣滃之

長春明月夜闌干起視當眉尺五間千里林光俱浸  
水一杯江氣亦浮山似聞隔岫吹長笛欲喚真官語  
大還忽憶廣寒清冷甚有人孤佩響珊珊

恭謁 孝陵正韻

漢高彷彿 皇祖而以少文  
終其身故五云然是日陵監

畧陳  
先事

二百年來一老生白頭落魄到西京疲驢狹路愁官

長破帽青衫拜 孝陵亭長一杯終馬上橋山萬歲  
始龍迎當時事業難身遇馮仗中官說與聽

荅贈盛君時飲朝天宮道院

長安道院一牽裳司馬筵中再舉觴柿葉學書才不  
短杏花插鬢意何長藥沉綠醕家厨釀霜折紅蕉道  
觀房坐裡黃冠三兩葷醉來相與說 先皇

陸孝子詩

孝子溺處與曹娥江通故有第五句

一葉隨流去不還一夫號向大隄看阿翁風浪今如  
此少婦篋篋枉自彈古柏臥祠江浩浩愁雲塞岸海  
漫漫昨宵醉裡披圖畫淚落風前共燭殘

李長公邀集蓮花峰

馬水雄關天畔開貂儲暇日更登臺高山似爲遮胡  
設折磴偏能勒騎迴杯杓催時嚴黑雨琵琶隔座攬  
輕雷須臾捲地寒風急似送荆卿易水來

中秋雨集金氏園亭次陳思立

詩朋酒斯亭  
朋雙尊也

中秋風雨劇凌馮拂悶觥籌倒一朋綠桂隔年疎彩  
暈銀瓠終夜斷長繩泥深水掌花邊鴨帽落霜顛影  
外僧醉後忽呼長劔看赤鱗乘漲欲飛騰

十六日霽與張長治伯仲集城隅次長治韻

飄砧飛柝戍營秋坐裡聞聽說潞州孤鏡蒲城池水  
洗明河千尺傍人流笑論昨夕能漂瓦醉喚紅裙緩  
下樓自古陰晴誰料得莫辭連夜典鷄裘

邦憲死

朱氏而俠

遠從黃浦白波邊淚盡枯魚黑索前共許相逢還幾  
度詎知此別卽千年白楊樹下多風起廣柳車中少  
客眠見說吳門塘上曲纜歌高士卽潛然

焦山

曝龜死于牛觸實事也道人言之

徵君祠廟碧山隈僧舍中流面面開全楚客帆遮浦  
下廣陵濤色漫窓來曝龜何事當牛觸養鶴翻勞刻  
石埋隔取深泥題不得空持黃絹立磨厓

送鄭職方

高皇寶鼎北平遷羽衛猶屯萬竈烟養虎最宜防猝  
餓調鷹莫更使多眠長江水綠千矛閃大樹旗紅一  
的縣匹馬不嘶穿壘過知君此際氣翩翩

贈遼東李長君都司

公子相過日正西自言昨日破胡蹄寶刀雪暗桃花

血鐵鎧風輕柳葉衣百口近來餘幾個一家長自出  
重圍禪關夏色炎如此聽罷悽霜雜霰飛

觀宣鎮車戰用礮以制虜夜歸小飲寺中老僧

直用蘆笙吹海青搏鴛曲

朝看萬騎背洋河夜飲禪關數衲羅赤板輪中飛霹  
靂黃蘆管裡叫鴛鴦塞旗落羽元非二鬪蟻聞牛總  
足魔念此忽然流汗蒲道人一覺睡行窩

許口北遺以綾帛綿三物題曰袍具作詩謝之

窩之西隣焉朝玄觀多樓  
方士諸邊競用蔚州之炭

雪那能花處一題梅昨期後府得軍獵今學西隣道  
士雷疊取蒲團高一尺坐消一輛蔚州灰

燈後被赤城之泉 湯泉數步外有井而四山冰  
雪尚未消獨湯處沸如昔

烟火纔看上谷奇湯泉又見赤城稀四山冰雪陪春  
住萬壑流黃抱水飛旣解蒙茸挂高樹復馮欄檻看  
跳璣誰能浴處當千仞起向岡頭一振衣

小集滴水厓朝陽觀 上谷

朝陽道觀一何縣滴水孤厓百丈邊餘氣出關雄大

漠長風吹壁立青天窓扉近在栖鷗處閣道都攔坐  
客前不信夜來高頂望定應笙鶴下飛僊

送毛德甫奉使還薊

德甫幕贊歸薊上谷時作也黃台吉之妻曰大韓比

姬者東虜抄蠻之女兒也台吉遠之來依抄蠻一日寇薊殺兩將軍及數十人去當事者今宜鎮責之縛十七人來斬于都市而毛君自薊鎮往來其間相報引故贈詩如此

平原門下晚知名上客于今合有孫一尺書來飛白  
羽兩言從定捧銅盆人今得策還注幕馬亦連宵急  
薊門報使酬功原舊與黃金橫帶不須論

再送德甫

虜警必軟血匍匐出刀下黃龍非上谷地但取岳公言飲耳

朝朝結束侍元戎十五年來姓未通自引抄蠻出刀  
下真成食客處囊中從今虜馬敢南牧無數縣顯稿  
北風只少闕氏為飲器與君連日醉黃龍

徐州

崑登黃樓問棗下之婦

今歲青青隴麥稠去年河水過堤流無家不自波中  
出有驚都經樹杪遊棗葉雙扉詢翠袖柳根一箇護  
黃樓泗州潭底獼猴老不信今還鎖泗州

送余新鄉

星辰自古重為郎墨綬銅符映早堂喜值栽花在鄰

邑行看種樹滿新鄉  
弓刀除肅雙旌遠  
楊柳風多五月涼  
臥病禪關不相送  
蘆溝橋水隔天長

駕歸自閱群望于衢恭賦

三月三日

桃李晴曛禁苑烟  
鑿輿新幸北郊旋  
團花鞞韃蒐春日  
細柳旌旗拊髀年  
一道甲光將雪借  
千群馬色截雲鮮  
誰兼將帥爲天子  
共喜文皇九葉玄

張雲南遺馬金鑿

時余尚羈而張亦彼議

百顆絨題秋暑清  
遙聞摘向最西營  
張騫本帶葡萄入  
馬援難拋薏苡行  
萬里錦苞辭曉露  
一泓寒舌攪春飭  
年來不爲臨邛病  
無柰羈愁渴易生

壽吳宣府

近來宣府息烽埃  
台吉求生欵鎮臺  
笑引雙椎胡女拜  
傳呼萬帳令公來  
艾年佩鵲寧非早  
薇省蠶魚不待推  
報與江南春信道  
題詩寄處隴梅開

林先生遷教瀧水

特將一鐸嶺南行  
水郭山郵路幾程  
方爲郡人教弟子  
又從海國領諸生  
石中鸚鵡當泥迸  
帳裡桄榔入夏清  
莫以遐荒類作念  
古來誰不重端城

美人紅甲

近日新粧處處施  
玉纖染草學胭脂  
并將櫻顆銷筠管  
忽散桃花上柳眉  
春色每從梢畔露  
麗情半出袖邊知  
塞風昨夜吹膠折  
抱得琵琶下手遲

禹陵

桓碑定石也魚蟲也揚梅樹下予疑禹穴在此王字謂金簡玉書也

年來只讀景純書  
此日登臨似啓予  
堊罷桓碑猶豎  
卯封完玉字不通  
魚楊梅樹下人誰  
解齒齒黃髮中氣  
所居卽遣子長重  
到此不過探勝立  
須臾

曹娥祠

曹娥十四死長江  
江水連潮萬里長  
精衛定應仇渤  
澥子胥豈只怒錢塘  
一江魚鱉浮尸出  
八尺龜蜻臥絹黃  
總爲金釵收正氣  
可憐梟獍遶爺娘

露筋祠

烏鳥旣能傷義士  
蚊虻何苦碎貞肌  
由來天道本無  
定誰使昆蟲必有  
知畫壁幾殘春社  
雨靈風特滿夜  
歸旗烟波一望三  
千里長在湘江洛  
水湄

馮刑部索書冊

慶成與宴圖

躬耕旣喜陪明主  
列宴兼榮享大庖  
蒼帝青陽臨

左个朱犁黃犢引南郊筵前甕盎歸餘瀝馬後蹄有帶割肴笑語細君將毋好不勞諧謹自爲嘲

送嘯上人之五臺

長嘯上人者來自長干蹙謝鷄鳴之妙景輒馮短錫却棲鳳禁之西禪候三月以飛花指五臺而跌草佛燈萬點天放琉璃山翠千重神移鷲鳥異文殊之親覲別社友以長征四韻送之數言以引

白下珠林最有名忽來燕趙作遊僧春風大衆迷花

雨夜壑孤藤看佛燈已辦一瓢相伴去其如多病不能興歸來只洗雙荷葉聽學文殊演上乘佛家以耳爲荷葉

集李侯宅得鍾字

時內賜鮮楊梅故用李令問鷲事卽杜詩李少監也李侯

高廟甥家有所賜手書又有真貝多葉經千番字如屯峰

侯家簾幙夜重重醉客觴繁斷禁鍾賜果自鮮冰後色罌鷲直賤丈前醲月斜苑樹寒孤鵲字暗番經集萬蜂尚有御緘看未得何時重許拆雙龍

燕子樓

牡丹春後惟枝在燕子樓空苦恨生昨決樂行因擁



髻當年一顧本傾城分爲翡翠籠俱老訝道泉臺伴  
不成猶勝分香臺上妾更無一個哭西陵

送余興國

隣家兄弟逼炊烟不見于今四十年頗有長顏堪佐  
幕頭多短髮尚留燕深秋一路逢紅葉明月雙帆挂  
大川黃鶴樓中可相引石榴皮畔覓神僊

駕幸月壇群望西街一首

玉露清秋湛碧空金輿夕月引群工紅雲自結龍文  
上彩仗如移桂影中璧畔常儀端捧鬯郊西新魄正

番弓布衣久分華山侶笑何歸驢墮晚風

九月十六日遊南內值大風雨歸而雪滿西岫

矣

石橋魚龍百族巧甚云是西  
洋物乃三寶太監取歸者

寶樹瓊臺夾梵輪星壇月宇詎非神從來天上游俱  
夢說向人間恐未真風雨故稍銅網翼魚龍欲活石  
橋鱗尋詩正是迴驢處忽回西山雪照人

送新昌潘公

北斗聲名重二京東朝保傅謝初榮百年華髮晞三  
握一日朱輪送蒲城漸喜河水仍綠水稍聞鄉雪盛

黃精快帆定落歸心後客夢幾番天姥青

子遂以尊人墓碣故抵燕至臘始去送之

朝廷久罷孝廉科只尺公車柰若何墓道且須鑄石  
去關門終見棄繻過寸心落日俱千里尺雪孤輿夾  
兩羸此去彭城止十日莫教造次下水坡

將別復偕遊碧雲流觴枯柳之下

征輿解道明朝發別酒遙從此地酣盡日迴腸依曲  
水昔年種柳似江潭霜高睡短鷄偏促雪滑泥長馬  
不堪差有梅花知客意一程開逼一程南

送朱使君太僕

長安明月金叵羅幾度從君醉踏歌北寺雲屯朝烙  
馬西清風起夜聞荷大臣自引行當召醉尉逢人且  
莫呵一葉米家書畫舫白虹終夕遶滄波

送諸公子歸應試

五六並實事

人人白壁紫玻璃並擬鄉書姓字齊綵袖香分金馬  
署錦帆風正潞河堤移花屢喜過隣蝶載酒時來乞  
野鷄不用平原當濁世翩翩自有馬遷題

李子遂死予設位哭之遂擊木而歌此

淚盡南天哭不回  
李生真是可憐才  
生芻解識徐家物  
死夢應尋范式來  
紫氣鏤干埋不得  
青楓刺繡任成灰  
知君去證金環果  
戲取楊花李上開

讀問棘堂集擬寄湯君

蘭若翡翠逐時鳴  
誰解鈞天響  
洞庭鼓瑟定應遭  
客罵執鞭今始慰  
生平卽收呂覽千金市  
直換咸陽許座城  
無限龍門蠶室淚  
難借書札報任卿

賦得爲他人作嫁衣裳

華山女入道見昌黎詩蓮華導女冠簪也

貧女悠悠嫁不成  
爲人刺繡事聊生  
驕閨袖手公相

薄倚市塢腮笑亦評  
柳葉雙描京兆對  
蓮花半導華山行  
蹉跎兩事頭爲白  
脉脉停針此際情

金剛子珠串一首

不共番經出寶函  
定從胡腕摘偏衫  
孩堆繡字瘡爛果  
聚香林孔雀銜不  
斷百思惟嶺獨手  
提一串縛狂慘饑  
來喚米無人識  
送與遊僧上海帆

南鎮

禹廟門扁曰拱聖

衡嶽迢迢靈氣奔  
何年直到此中蹲  
回看極北雙條外  
獨領江南一面尊  
帳底風霜神色冷  
爐邊草木御

香温客來瞻拜何容易兼得低回拱聖門

寓香爐峯下註郭子竟清明夕二客携筓茗來

擬登

閒來註罷景純經客舍樵居烟霧生流水細分床畔  
響群峯尖與筆端迎春城筓茗來雙客夜火清明坐  
二更却喜香爐峯靄盡明朝不用雨中登

次日遊雲門買醉溪橋店梨花樹下雲門有大

樹相傳樹自盤古

一上高樓便下來梨花白雪酒家開柅緣看竹忍饑

過翻自擲錢買醉回近水青山銷白鳥開天碧樹泗  
蒼苔昨宵詩句今成識霽色香爐頂上臺

讀易園詩應一仕人之索

爲園讀易幾虛都歸藏連山盡野狐大過久無仍假  
我絕韋猶在儘伊吾百莖著草龜相守一角梅花鶴  
自呼曾與京焦相問難至今記得石渠無

題翠華軒卷詩

楓橋死草有風流玉軸文池鎮綺樓山水大觀凡八  
詠人家喬木幾千秋黃絲暗縫備遊蠹白雪吳綾半

織虬俗眼燈前從古忌賢孫隨處好藏收

### 遼鎮李寧遠

唐家名將李臨淮再世遼東幕府開馬上幾年飛露  
布貂邊一德盡雲臺未須七首藏靴底會見旄頭墮  
海隈聞道近來更善飯分明矍鑠是翁哉

### 贈李宣鎮沈光祿鍊祠在保安州

遼東大將犯吳鉤坐咲籌邊第幾樓記室虎頭誰授  
筆將軍猿臂自封侯廐分苜蓿廳中駟釀取葡萄覆  
上流好事知君多料理忠臣祠在保安州

### 聞都督再遷山西武寧

胡床雪夜斗牛裘親待回探夜不收薊北咽喉此爲  
最山西將帥爾爾優千金粉面捐廝養百鞘朱提買  
絡頭倒死瀟瀾姑諾諾大宛終敗匿驛驪

### 建陽楊君縣壺越市云是楊文敏公榮之孫其

### 春將之京錢王孫持其土物索詩送之

久矣縣壺始得知良醫良相故家兒相爲乃祖稱文  
敏醫是曾孫住武夷艾葉燃餘留越市杏花開遍到  
京師雙瓶海鮓半斗酒吳越王孫爲索詩

友人索慰沈四郎君

乃翁東平州同知

東平第四小郎君枕塊扶其哭大椿不待三年枯墓  
栢只須一慟立山神少連莫盡啼鵲血大孝湏存幹  
蠱身况復老慈憐季子忍教眉雪爲儂顰

馬策之奉母住鳳凰山下之水樓

鳳凰山下遶清流策也迎親住此洲正好敲冰求尺  
鯉倍宜垂雪飯高樓月中醉客搖船夜露下聽蟲助  
竹秋何日細鱗隨網得招予沽酒柳橋頭

擬送張翰林使楚

天王熊夢協周宣江漢諸姬望詔虔特借館臣殊代  
邸專縣官秩待歸年題鐫壁薛俱霞外來往河槎總  
日邊最喜老談掄藻地何人不羨子長賢

自盆道走居庸雪連峯百仞橫障百折銀色晃  
晃故來撲人中一道亦銀鋪也坐小堦冒以紅  
瓊疲羸數頭匣劍笈書相後先水氣栗冽肌粟  
晶晶如南夏癘瘞苦吟凍肩倍聳憊甚矣却羸  
得在荆關圖畫中浮生半日

昨夜飛花苦不多朝來起視自我我一行裘帽風中

去半日關山雪裡過銀髻望夫高入漢玉屏隨客折  
成河中間一道明如線四角紅氍毹數騾

狐裘

裘被除雪夜苦寒取信  
國文公集讀之賦此

狐裘賒去止三金大海投魚兩歲沉鷹馬趁風嫌未  
惡簷背負日苦長陰歌聞未必如金石肘見真應捉  
領襟猶喜雪宵看信國髮衝冠頂汗淋淋

送丁叔子北上慰乃兄

令威三世通家好卅載遷居會面賒醉我龍鐺纜地  
主憐君馬首又天涯春燈雨雪瀟瀟夜野店茶湯處

處家想見

皇都堤草綠脊鴿細語遶梨花

再味銀魚要玉屏次

銀魚僅給瓦窑筵味美爭 產亦慳正是松江飛雪  
鱸忽如寶坻到水鮮垂腰任取花羅袋細口愁教柳  
線穿自笑五經元不讀叨君醉飽腹便便

海山張君嘗自題鏡容今死矣次其韻

孔門高第舊書紳爾亦堂堂似此人獨坐詩壇吟且  
飲厭爲世態笑和羶舊綠一夢花間蝶老淚雙揮鏡  
裏身我尚爲人沉苦海子桑先返本來真

代壽黔公

有道明王守四夷公家鎖鑰在雕題一天樞紐群星  
北萬里金湯半壁西茅氏騎龍艱劫火王喬奉藥儻  
丸泥何如翊戴勲臣府永鏘金書鐵馬蹏

二

異姓王功階特進大將軍客揖須長太平象馬舞何  
事勝會鳧鷖醉不妨錦席珠璣群彥舌金爐烟霧百  
蠻香殷勤剩有華封祝先遣山呼到 帝鄉

三

千花百果候青陽二月爛斑匝點蒼樣簇濃枝靈鷲  
錦光添繡祿石麟床干戈後取儀雙髻弧矢先懸志  
四方我國同休恩不淺年年此日憶 高皇

亞夫墓

墓在巢縣此亦虛傳也

王者從來云不死共疑隆準及重瞳已占龍氣成天  
子却幸鴻門敗乃公一牧乳羊遮墓白幾株寒棗覆  
碑紅憐儂疽發不欲活豈爲人間少鄧通

白牝蛟二首

招寶山東行若干里洋也白牝蛟宮之相傳



是千年物遂名其所蛟門而向所詒海酋王  
直之倭商住岑港者自春抵夏屢進剝屢阻  
于雨人言蛟之祟也幕中醜罵蛟俄而雨如

注

寶山門外白蛟宮獨處千年不嫁雄頓頓渦涎垂燕  
子殷殷霹靂懶蜈公風摧近屬誰家掌日本頻由爾  
路通一語稍嗔酬惡雨量無周處在軍中

二

儂應坐視稿三農不爾祠何吝一叢早使嫁夫封石

氏肯教將尾示劉翁寸鱗縮虱腥逃井蛻骨專車雪  
硬風莫倚豢龍終豢爾史臣親記醢雌龍

讀文信公僊嚴祠集焚弔二晉

每疑天意不分明枉殺呼天問屈平諸葛旣難扶後  
主廬陵何用產先生停舟此夜艱危地出戶當年嘆  
息聲腦子不靈尤恠事竟將腔血洒燕京

二

山翁伏臘競鷄豚海舶針羅失曉昏六尺托孤俱趙  
氏一宵投主得公孫波濤解逐旌旗走巖洞寧無氣

後文長三集 卷之七 四  
魄存安得扶邛親一拜百花如錦醉山門

夜坐有感轉憶往事

朝來乾鵲聒簷牙入夜孤燈也弄花兒女一生夢養  
虎行藏四足盡添蛇因嗟竹箭歌如簀時泛荷花到  
若邪記得萬峰高頂鹿竟晞黃犬獵人家

香烟七首

誰將金鴨啣儂息我只磁龜待爾灰軟度低恣領風  
影濃梳高髻縮雲堆絲游不解黏花落縷喫如能惹  
蝶來京賈漸疎包亦盡空餘紅印一梢梅

二

半坐焚香枉連歲香烟妙賞始今朝龍拿雲霧終傷  
猛蜃起樓臺不暇飄直上亭亭纔佇立斜飛冉冉忽  
逍遙細思絕景雙難比除是錢塘八月潮

三

霜沉榻竹更無他叶地底事遊魂演百魔函谷迎關僂  
紫氣雪山灌頂散青螺孤螢一點停灰冷古樹千藤  
寫影拖春夢婆今何處去馮誰舉此似東坡

四

蒼蘂花香形不似，菖蒲花似不如香。揣摩范擘鼻何暇，應接王郎眼倍忙。滄海霧蒸神仗煖，峨眉雪挂佛燈涼。併儂三物如堪捉，捉付孫娘刺繡床。

五

說與焚香知不知，最堪描畫是烟時。陽成罐口飛逃汞，太古坑中刷裊絲。想見當初勞造化，亦如此物辨恢竒。道人不解供呼吸，閒看須臾變換嬉。

六

西窓影歇觀雖寂，左柳籠穿息不遮。懶學吳兒煨銀杏，且隨道士袖青蛇。掃空烟火香巖鼻，琢盡玲瓏海象牙。莫訝因風忽濃淡，高空刻刻改雲霞。

右香筒

七

香毬不減橘團圓，橘氣毬香總可憐。蟻虱窠窠逃熱瘴，烟雲夜夜輓寒氈。蘭消蕙歇東方白，炷插針牢北斗旋。一粒馬牙聊我輩，萬金龍腦付嬋娟。

右香毬

壽司空潘君六十

海天漠漠一弧縣，正是司空治水年。桐柏改流俱赴海，蛟龍自去不須鞭。舊從精舍陪臺穎，今見台垣逼

斗躔借取紫霞來几席佇看黃髮擁貂蟬

歲暮夜雪招二王詩人薺果小飲二首

二王二王來叶何難榼榼清酌頻欲乾何處王門無

短袂最難客路是長安薺鹽雪糝充瓶立蔗藕霜消  
飽膈酸四海論交頭盡白至今膽落醴交寒

二

斗酒那能不醉休醉來可使不歌不黃金雖我無顏  
色秋水還誰辨馬牛笑狎落梅花亂鬢起看城雪筋  
水樓一角忽風天盡黑萬雅搏雨下枝頭

春興

紫洪筍絕佳

好景蹉跎知幾迴今春商畧紫洪隈固應帶插挑深  
筍兼好提尊餞落梅雙蹇百錢苦難辦片槩孤舟盪  
莫催見說山家堯子軟借穿峰頂晚霞堆

二

乾坤瞬息雪邊風萬事陰晴雨後虹已分屠門齋後  
斷只難酒盞座前空半緡榆莢朮書客數點梅花換  
米翁小飲墻西隣竹暗綿蠻對對語春叢

三

二月四日吾已降攝提尚復指蒼龍當時小祿慈闈  
繡連歲寒衣隣母縫一股蟲尸忙萬蟻百鬚花粉亂  
千蜂自憐伯玉知非晚除却樽罍事事慵

四

李白桃紅照眼明蘭風梨雪逼人清一枝帶蕊馮吾  
折雙蝶隨風各自爭粉翅撲衣猶可耐墨針穿帽此  
何黥因思花草猶難掇却悔從前受一經

五

七旬過二是今年雷老無孫守墓田半畝稻秧空餓

鹿兩株松樹罷啼鶻

松爲盜砍

悲來辛巳初生日哭向清

明細雨天忽撼柳枝翻一笑笑儂元是老婆禪

六

昨冬不寐苦夜未此月新弦喜晝長柳色未黃寒食  
過槐芽初綠冷淘香西池蝌蚪愁將動北地鞦韆影  
不忘描寫姬姜三百句白魚儘飽小巾箱

舊閉鞦韆在臨濟賦

詩數十首  
幾三百句

七

胡烽信報收秦塞夷警妖傳自贛州十萬樓船指甌

後漢書三集 卷之七  
越結交鄰國且琉球不臣趙尉終辭帝自王田橫怕  
拜侯幾島彈丸髡頂物敢驚沙上一浮鷗

八

孟光久矣掩泉臺海口新阡此再開煖色一天霞影  
入寒潮萬里雪山來迢迢支壠何方發個個曾揚着  
處猜急買松秧三百本高陰元仗拂雲材

復西溪湖爲朱令賦

邑里東隣隔一江使君爲政有芬芳歌如黃鵠陂當  
復雲擁蒼鳧路正長碑蒲桐鄉朱令廟樹陰柳岸召

公棠馮君莫話滄桑事一笑誰家牧馬場

湖始爲朱  
臣李顯忠

請爲牧馬地其後  
福邸盡斥爲庄田

送季子微赴李寧武總兵之約

黑貂裘襖盡長安此去關山雪未殘挂印曾蒙公子  
約解袍應念故人寒大豪馬邑墳堪吊天險羊腸路  
復難到後莫須先一拜未妨長缺向人彈

涵叔往常州索詩當錢

宜興穀雨正新茶掌故先生况倩家玉女潭邊煎乳  
雪張公洞口醉流霞自慚把鐵包門限客有將金買

畫沙此去好尋顛秃草太湖石上打驚蛇

情見揚雄方言昆陵

關神祠內有僧守松狂草碑

南鎮之南原桃樹數百花時余數遊賞當武陵

也道士苦打攪盡伐之憶以詩

鎮南亦自有桃源載酒來尋不計年祇爲燒茶煩道

士故今閉洞返漁船一從春雨花開後是處朝霞色

可憐笑我老來無脚力欲呼船子少船錢

二月望後連日夜風甚不減前年而是日二兒

書至

天寒地凍正霜宵被冷風號入帳驕貫屋再經飄瓦

盡破爐重補買薪燒老牛脊壞堪馱鳥

醉後跌損骨脊爛而瘡少

陵病馬詩日暮不收烏啄瘡

小犢書不尚滯遼好買紫團菱一搭

急鞭歸馬補虛勞

唐伯虎畫崔氏且題次其韻

彷彿相逢待月身不知今夕是何辰行雲總作當年

散胡粉空傳半面春嫁後形容難不老畫中臨榻也

應陳虎頭亦是登徒子特取妖嬌動世人

吳宣府新膺總督

邨報初翻數葉藤棟梁今喜榷柟勝市場春後皆青  
草司馬秋來在白登天下安危真足仗眼前脩短却  
難憑最憐投轄相知客不得隨車負此情

九月望日再集鎮虜臺

至秋性往夕燒山原

重陽曾上北山隈此夕重登鎮虜臺正喜垂楊留去  
馬不妨明月墮飛杯山頭有火非關燧笛裡無風自  
落梅孫綽賦成悲欲絕其霞况復似天台

方封君七十其子刑部郎飛朋索作

封君髮垂至足

方山先生今七旬學道今詩鄉里聞自脫青衫還舉

子不栽菑穉比封君髮長七尺朝梳雪門對千峰莫  
掃雲旣遠塵寰兼此相不愁鸞鶴不爲群

仲冬觀牡丹花於城西人家

名園已得艷春朝又向寒冬發數條昨夜催粧誰遣  
誤明朝飛雪苦非遙終持粉面嬌羅綺故向梅花伴  
寂寥白髮紅顏能幾日紛紛蝴蝶過西橋

子肅再赴戚總戎所未至死於都下

正韻

幕中賓客盛文詞幕府黃金客再持共擬歸來作生  
計不堪老去哭相知一春綠草飛蝴蝶千里黃沙暗



徐文長三集 卷之七  
鼓鼙兩地分明誰苦樂遊魂莫遣到家遲

紅葉

纔見芳華照眼新又看紅葉點衣頻只言春色能嬌物不道秋霜解媚人官水正寒愁字字吳江初冷錦鱗鱗更餘一種間風景醉雜黃花野老巾

壽胡通叅

所居逼春波橋胡嘗忤權相下獄

年來里閭夾春波握手論心日日過共訝青萍翻價少却爲黃葉借春多同時搏虎俱臺省若個焚魚老薜蘿眼底榮枯都莫較大樗何用有枝柯

蘭亭次韻

相傳蕙真竊蘭亭記  
掀閣石花一時盡開

長堤高柳帶平沙無處春來不酒家野外光風偏拂馬市門殘帖解開花新觴曲引諸溪水舊寺巖巒樂樹茶回晉永和如昨日不堪悵望晚天霞

壽張叔學

太華先生六十年顏朱齒玉鬢雙玄衆聞大道何妨笑獨致良知有所傳路出霞頭杯泛泛船歸菱面葉田田野人便欲持筐去手摘紅鮮入綺筵

送長洲居山人士貞

客裡尊壘每見陪那能不飲送將歸歌長筑短堪流  
淚雉呼鷹呼未解園雨雪尚淹春籜薦清明還競夜  
飭非鄉風處處從來異曾宿閭門記憶微

飲於施學官齋席上有丹陽朱叟叟施之師也

朱爲王心齋之徒

千里神交已十年况逢安定敞高筵越國山川寒食  
到秦州衣鉢夜深傳風雲座上雙萍合桃李陰中一  
榻懸別去那能隨畫漿金山寺下共維船

卽席復贈施先生齋中植兩紫荆

不必湖州去治經人傳安定卽先生獨持一鏗官三  
載謾種雙荆花滿庭風雨連朝愁欲絕笋蔬寒食酒  
頻傾山人醉後詩脾渴喚取片芽再煮羹

山陰楊簿公穰良吏一日托從子桓索作應此  
時當夜巡

何緣佐邑借儒師遊徼中宵帶緩垂每出未聞高唱  
道相逢應不恠敲詩頻年馬瘦知官况到處螭啣有  
去思從此賞之應不竊蒲城鈴鐸爲公弛

重脩乾清宮成迎慈聖再御輔臣用此題  
選翰庶時予

客京師  
漫賦

閭闔重新紫極熙姬姜再御寶軒移 慈顏既近趨  
承易 聖體猶冲保護宜鳥換歌筵前日曲花絲輦  
路舊時枝一人奉養燕天下大孝鴻名萬古垂

送劉山陰公入 覲

明府才賢世所知河陽未得獨稱希花邊據案了公  
事琴底題書問布衣一縣春隨征馬去蒲城塵爲送  
人飛 冲皇正解蒼生問宣室何由肯放蹄

五色鸚鵡黃鸚鵡並是 聖母所馴各賦二首

白燕往時呈翰苑錦鸚今日貢 宸居萬年枝上栖  
偏麗百鳥圖中態未如參養固知天意在語言長得  
聖顏舒何因五色鮮成染自是媧皇煉石餘

二

合殿風和碧柳絲嘉禽色占錦紋奇燕呈五德靈鸚  
綬倒挂孤桐小鳳儀無數天機臨譜繡有時人語出  
花枝侍兒不用拋紅豆自有佳音慰 聖慈

右五色者

三

西隴靈禽翡翠粧稀聞正色染黃裳自談玉殿非關

學却照金籠別有光  
飲啄定應歌帝力  
生成何幸稟中央  
千秋萬歲歡無極  
土德坤輿本肇祥

四

鸚鵡由來只翠衿  
中央正色見於今  
將懸半映初生柳  
欲繡全宜細縷金  
教言一一聞清禁  
銜果時時摘上林  
不是黃筌能盡取  
誰知殿角有祥禽

右黃色者

賞成氏牡丹和韻

將軍臺館俯林泉  
春後名花幾日鮮  
一本千金非不貴  
數杯深夜轉堪憐  
却披半暈當亭下  
似出殘粧媚

客前遙憶舊京歡  
賞處馬蹄塵土踏成烟

王翁八十令書貞松白石畫中

公再舉鄉飲

鄉里丈人誰最賢  
竹齋先生無間然  
八旬尚有嬰兒色  
三老重登國學筵  
春社插花人醉後  
秋蠅作字夜燈前  
庭中桂子森如玉  
白石長松好共懸

姚崇明晚映堂

粉額縣題晚映堂  
主人留客夜焚香  
提壺不必過隣店  
買筍真教揀破塘  
彭澤俸錢多備酒  
崇明宦橐止栽桑  
僦居幸得爲隣舍  
伏臘長招醉酒漿

清凉寺云是梁武臺城

蕭梁臺殿一灰飛  
薺麥清明雉兔肥  
壞榜幾更金刹字  
饑魂應爛鐵城圍  
東來鏡折龍潭水  
北去蘆長燕子磯  
千古興亡真一夢  
隔江閒數莫雅歸

宿栖霞

般若庵有臺盡是石刻

叢林宛委是栖霞  
最稱沙門此結跏  
大鑊煮糜千眾飽  
小庵散住一山賒  
書看白帖過般叶平聲  
若夜夢青蓮枕  
法華一覺長松風  
雨急錯疑澗水響  
鑄茶

壽馬先生七十

先生齒居會社之第三席又兩牧外府鄭箋魚鱗無魚蝦古人

往往如此用一見東坡集

流朱拂茜雜輕霞  
庭畔重縣講日紗  
一竹青青文國杖  
數榴洒洒動江花  
社筵推長今三席  
州郡分春已萬家  
自笑傳經老徐孺  
猶將詩說注蟲蝦

元夕寄金武康

曾醉春街典破裘  
那堪老去却囊頭  
鼠凌白晝爭人食  
雨共青燈管夜愁  
萬戶新粧譁月鏡  
一天彩勝亂風毬  
流思忽到茗西路  
似見絃歌擁子游

送行人陶君

新館新建宅

雙飛諸父共雲霓獨蓋遙征漸向西京兆蛾眉新畫  
舫洛陽才子錦障泥江程引雨浮關渡花候添春到  
馬蹄此去風光倍堪味鶯聲一路柳邊堤

寄上海諸友人

雙魚歲晚渡江津笋飯狔羹又換春棄印可望天上  
客射書元屬海東人天愁夜幕鈴偏惡柵暗縲藤鼠  
正巡湖水萬重蘭芷隔因君還上佩芳身

寄謝學師張先生克慰

師上海人友人才士  
朱邦憲之婦翁也

海天鳴鐸入山城獨劍孤琴傍馬行才子文人韓吏

部諸生師傳董明經遙飛梅信園門鎖想見芹風帳  
底清爲報楚僦今日事明倫兩字屬先生

戊辰廿有四日尚賓時中宿於園夜大風雨水  
厚尺詰朝得子廿北報走筆遍諸友

夢裡分明夢塞鴻朝來便有鯉魚通話深白榻三人  
雨水斷黃河一夜風馬憊豈堪重蹠蹠烏飛何苦辨  
雌雄雲天萬里管嫌窄恰作庖鷄鎮日籠

玉師挽章

師蛻棺以兩瓦甕頓駐蹕嶺庵中

隻鞋葱嶺去三年兩甕團團嶺個邊劫火只思將骨

徐文長三集 卷之七  
化寒花依舊護人眠我雖活在如籠鳥子已蕭然作  
蛻蟬安得騎牛天竺道月明重話三生緣

張大夫生朝

以下三景並是其別業

解組歸來白髮新每因萸菊賞年辰沅洲芳草行吟  
後鏡水荷花蕩槩春百粵既馮傳檄定五湖宜着浣  
紗顰南冠未必長留繫來問桃源第幾津

鏡波館

微風鏡水縠文涼家近湖頭日繫航昨去幾經行路  
險今來依舊看波長懶將勅賜榮爲沼直取荷梁葦

作堂舊事比君堪一笑桃花前度屬劉郎

流霞閣

流霞高閣俯千山霞氣來醅酒海寬一斗聊爲使君  
壽半瓢留與道人餐回看烟火城何處只隔蒹葭水  
一灣白日凌虛惟此地莫招問字俗杯盤

垂綸亭

湖裡孤亭雨後簑一竿新老鏡中荷當時蓮女今何  
在不共漁郎來唱歌卜獵尚堪師帝主舍舟那復畏  
風波懷人若寄相思字馮遣鯉魚騰赤梭

養生書成紀事與夢

注參同契成家釜炊飯盡黃夢小溪蟹如斗大脫殼

出嬰兒已而復入歲時尚繁

黃梁換色道書成紫甲更來夢裡呈孝婦不寃終有  
雨水禽持蚌一何晴中郎贖命怪脩史叔夜瀆刑且  
養生見說漁翁馮一葉波掀浪穩付前程

某氏新園

新園絕勝舊園都驅石東來出嶠壺樓閣層層催蟄  
吐巖巒一一學鰲扶曾陪春雨看花發自受秋風與  
葉始安得更於苔蘚處却從陶令賦將蕪

二

買地鋪山引露濃中縣洞壑亞玲瓏抽將苗昔誰邊  
水割取蓬瀛若個峰江左枯碁宜別墅襄陽落日醉  
山翁花枝儘媚當尊客莫辨金釵座上紅

友人出冊復贈春試者

離筵驛路尚芳梅騎馬聽鶯是此迴舊日繻生關吏  
識新年羅袖內家栽澤蘭把贈移春色死杏留花待  
妙才却說涸鱗縣尾在欲從天上借風雷

送趙大理

先巡撫貴州邇擢大理



纔聞歸馬駐雙輪又見旌麾動去塵廷尉由來須長者武侯聊借服南人昨經湘水洲蘭莫今渡黃河岸草春萬里波濤隨意挽相逢處處有枯鱗

壽王君

王同學友也至是六十例授校其子以丁卯薦

千林楓色對朱顏醉後囊萸把自看舊籍幾更前輩  
健新街真愛廣文寒門臨流水鷺池涸家近青山  
葉盤拍手僊郎他日事官校還度幾迴鸞  
宿長春祠夜半朱君扣櫺呼起視月

長春明月夜闌干起視當眉尺五間千里林光俱浸

水一杯江氣亦浮山似聞隔岫吹長笛欲喚真君語  
大還忽憶廣寒清冷甚有人孤珮響珊珊

生朝詩

張翰林母也時有事楚蒲

夫人舊是元君侶今嗣新從南嶽來袖裡紅霞穿綵  
出堂前朱草入簾開頻將瘞帶教陰德一自懷鷺發  
慧才欲取銅儀問平子幾時婺采映中台

壽人

華辰初喜仲秋天秘籍兼承 寵命偏問齒纔居散  
騎上論才應許侍中前特函赤土將龍拭別取長河

向舌縣見說黃冠雕已就為君先去采丹鉛

綠牡丹

白牡丹姓張名玠奴回道士教之修鍊

牡丹綠者未曾聞狡獪司花此弄新漢水鴨頭教作  
帔隴山鸚鵡未呼人韓郎頃刻愁難學酒葦逡巡醉  
可類不羨張家回道士自拋紅粉練庚辛

次蘇長公雪詩

翩如巾舞玉人纖皎似禪宗戒律嚴姑去盡留雲母  
粉客來只醉水晶鹽正愁黃獨迷鏡柄故壓梅花入  
帽簷埋沒遠山知幾許且收螺子畫眉尖

何仙姑食雲母粉而

儂去予亦稍畫人物

二

白糝堆寒沒曙雅姨家風急攪銀車翻將灞水驢邊  
色忽點孤山墓上花何物黃冠勝六友相思白舫戴  
逵家今朝穆滿觴黃竹笑指銀泥畫戟叉

三

固知嫋嫋不勝纖亦有稜稜莊且嚴劍底白猿鑿越  
女槎頭黑癭粉無鹽水初勢已寒千仞靈後人多曝  
一簷笑憶小姬誇党日可教輕試茗芽尖

四

海上青山插髻雅海鮫輪織不論車儘教一夜裁綃  
葉那得傾都不柰花粉屐特停漁者楫赤稍并付酒  
人家蚨郎迫使劉伶去忍別青旗燕尾叉

青州贈鼉磯研副以詩奉荅

恭承錦字題文石尚帶青州海氣濃蟹影幾痕疑墨  
繡雀臺萬瓦賤漳銅醉來好蘸張顛髮老去羞箋鄭  
氏蟲應有紅絲螭匣底宮鬟爭捧寫蘋風

莫老至聾矣

長洲人自住杭湖墅能詩

幾度相逢莫丈人幾年斷却耳根塵新潮正險君何  
冒舊雨重來話只陳梅樹一堤通處士桃花雙板閉  
漁津詩名到處南金重自嘆工詩老更貧

此老相顧無他話特

云詩文甚賤其貧如昨

擬寄鄧孺孝

按詩三本而去家有白鴈堂應其索味

鄧攸背立黑簷頭老眼偷窺非鄧攸倚柱將須嗔不  
小開門倒屣去難留明珠投我有如許白鴈伴君無  
恙不勉強南京一杯酒今來纔識滴骷髏

八月十八日阿枳三江觀潮夜歸示四首

俗謂八月

十八潮生日二首首  
句指三江之禹廟

東來小港入潮枯總直潮辰只大都父老猶談錢氏  
弩波濤終奉浙江符一城菜熟須鹽急百笠蘆長縛  
蟹籠却問黃塵飛未得祇言鹹濕蒲頭顛

二

聞道黃熊伯子宮銀山銀海走銀虹千花競感魚龍  
後萬里長來日月東河伯正驕秋水舌非神亦弄廣  
陵風蓮姬自愛潮多信看弄潮兒欲嫁儂

三

明馬帆檣故不禁鳴潮故避大江深非關水許澤沱  
合信是鯀高海浪沉處新粧邀步襪年年舊雪漲  
城陰阿宣也鎖書堂去獨曳青藜詠玉簪

四

吳館觀濤百不違卅年閉戶一都非欲爲發難枚乘  
老聽說風波柳毅歸龕楮夾流驚箭筈鷓鴣迴舫晒  
漁衣孝娥不少行人恨并作鴟夷怒色飛

戲擬不往三晉

風流自喜烏衣尚禮法休嗔白簡評不信塞翁終失

馬蹇煩良吏量遷鶯舟過劍浦招雙鐵竹引山泉飲  
一城絕勝又歸丘壑長放歌五洩舊時聲

二

早歲提符武陵郡莫齡別館少微山尋源未羨漁郎  
事掃徑聊希處士閒蕙英幾開今殿陛櫻桃不食  
好容顏隣邦碑在襄陽口未必長生須大還

三

白頭笋籜齋中坐赤脚蓮花頂上行九節閒將叩竹  
杖一籌輸與老門生遷來婚嫁館酬債此去風波任  
打萍五嶽高頭誰披我肉身菩薩未身輕

讀某愍婦吊集二首

認其母云少  
時乳母也

吊集云愍婦之死非一端  
最甚者以姑章給其子不

纔憐勁草嗔風惡但表貞松把雪嗔爾輩借將扶世  
教妾心元不願忠臣伯勞啼嘯端非鳥孔雀東南亦  
是人併付枝頭姑惡舌年年爲爾數頑髭

二

孀鏡難教兩處明空桑真見一兒生噴乾口血梟初  
大綵落梁塵雉自經寸骨崢嶸爭釜雪百吟風雨響

窓晴急須一本彈漁鼓恐有中郎別唱行

擬吊蘇小墓

一杯蘇小是耶非繡口花腮爛舞衣自古佳人難再  
得從今比翼罷雙飛殢邊露眼啼痕淺松下同心結  
帶稀恨不顛狂如大阮欠將一哭慟兵閨

聞里中有買得扶桑花者四首

憶別湯江五十霜蠻花長憶爛扶桑陸郎第爾知何  
等趙尉裁儂定幾行蜀魄啼益乾夜夜猩猩搏血濕  
蒼蒼蒼狂香結態堪誰比個是愁兒醉後粧

一  
芙蓉冷蕊逐時開當取當壚着處陪  
海女纏頭雖絳帕江楓落葉亦殷腮  
千金知向何番買一朵分簪破帽來  
奪取胭脂等閒事只愁兒女太安排

三

篋茜奩螺取次將長紅大翠儘蠻娘  
闌干笑語腮堪譯浣火衫裙熖未涼  
白浪有緣陪賈客紅潮無伴醉檳榔  
吾鄉惡熱連年更帶得蒲葵上海航

四

鶴林寺裡別袈裟又幻扶桑到若耶溪女惜香還  
苗海人澆醉歌枇巴似聞此地春猶雪悔上孤帆曉  
載霞臘社少年貂帽上簪紅莫忘遍茶花

今來自嶺海者云扶桑花也余昔所見殊不類  
是殆大蘇所詠涓涓泣露紫含笑熠熠燒空  
紅佛桑耳花家剪雙頭見寄始覺首四作之  
誤乘酒漫成六首以贖差錯插硯水瓶嫣然  
有笑語意豈亦憐老人之衰耗耶後取餘瀝  
澆之當纏頭耳滇蜀村歌云披蓑衣打杖頭

鼓風流在何處余擬荅鄉諺云雪落長江裏

依舊化作水何不落則雨却要是個底

底字鄉語

讀作不知花神有知作何平章夜見夢云叟

所謂黃連樹下彈琴也

昔者曾憐佛桑賤今來却見貴扶桑天鷄叫罷日纔  
上海登樓高霞正忙此時此花染欲醉是株是朶  
成行都爭茜頰堪千鑑誰問蓮花似六郎

二

天喬萬里忘風土天地中州若雨暘面面燕支凌

徐文長三集 卷之十 三  
妾家家蝴蝶過隣墻已聞好事狂通國會見名園賦

洛陽剝葉可醫蠶病不大家音姑春箔臥銀僵扶桑猶長七尺

子如燕卵

三

扶桑一擲百樗蒲賈舶槌蚨罄鏹塗萬鉢鋤鋤寧汝  
願幾春爛熳爲誰都盍從海島陪田客故試淮泥可  
木奴欲借邊鸞花鳥手爲添王會百花圖

四

翠幄青欄半面扶烘脂炙粉照蒼梧稍疑壚婦頻中  
酒莫認昭君肯嫁胡幸爾波帆收北指慚予霜鬢對  
東塗嫣然一笑如相問儂是南鵬第幾雛

五

煖紅滴滴兩名娃插向磁甌研水些雀閣小紗縫杏  
子唇家大剪襞榴花無索可傾河朔飲有儂堪老邵  
平瓜矮檐破壁還愁淚雨惡風狂燕掠斜

六

將軍池館有王戎何似扶桑到海東過嶺風塵雙袖  
暗際天烟漲一裙紅細腰迴雪憎魔女濃頰圍燈笑



醉翁寄語寒溫須着意別來淚血尚溶溶

寄吳通府以墨見寄

名成器休寧人時予初出  
繁吳剽倭功多在處有碑

紫顙舊映郡齋長聞道髯今亦着霜去定將軍呵醉  
尉生猶碑字滿襄陽殘軀乍別阿鼻鬼寶匣遙飛片  
腦香近日東陵瓜好不幾從炎熱轉清涼

魏文靖公卮貯以梓匣輒賦二首

魏家名德並恢恢魏氏宗彝並偉瑰既有貞觀丞相  
笏復傳文靖鉅公杯金螭百隻誇誰氏火色千陶翠  
此枚貫取隣醅賞新購先澆一滴向西飛

二

團團翠捲一荷初傳道收將米石餘大老儀刑存瓦  
甍騷臣醒醉問湘漁酒邊有日看鷗變鍾外無泥葬  
鹿車醉取枯桐操甚楚人琴俱絕霎須臾

某君見遺石磬

泗上歸來動隔年親提浮磬與泠然一除梵版栽雲  
俗再扣衰鸚遶竹圓老去固難腰似折貧來直到室  
如懸間窓重理當時架數杵香殘客話邊

賣貂

予再北以贄文得貂帽領敝  
其三賣其六乃不滿十五金

市上挾葛塞眼黃將貂往市不成羊孟嘗一腋收狐  
白季子千金敝洛陽固是此方饒毒熱亦窺生事正  
空囊鹿皮破盡惟斑在大雪關門擁壞床

賣磬

敝篋多竹而鴉叫振林每歌輒罷

貧來一石不能留解贈王郎愧取酬莊舄戀鄉聲自  
舊金人辭漢浹長流半肩荷蕢過門誚一葉師襄入  
海遊寄語春秋休責備後來能有此人不

賣畫

一束丹青半贊詩稍如吏部長

去聲

安時蕭條客舍彈

其得流落人間作記垂到處馮將臨賈估傾箱拚共  
蠹魚饑臥遊忽奪正惆悵壁隙何遮風太吹

賣書

第三言已身亦將賣耳况書  
乎作音做僮書用便了券事

貝葉千緡粟一提持經換飽笑僧尼僮書我亦王家  
作偶散誰非大塊泥帶草連年高纂述巾箱一日去  
筌蹄聊堆剩本充高枕一字不看眠日低

長至次朝

昨日涼雲絳色微朝來南鳥北籠飛一丸自弄玄黃  
劇百線爭穿傀儡機小劫鰲蹄撐畧住大人龍伯負

將歸何年始復鞭爲馬數盡河沙未放鞿

伍公祠

吳山東畔伍公祠野史評多無定時舉族何辜同刈  
草後人却苦論鞭尸退耕始覺投吳早雪恨終憐入  
郢遲事到此公真不幸獨鏤依舊遇夫差

岳公祠

墓門朱戟碧湖中湖上桃花相映紅四海龍蛇寒食  
後六陵風雨大江東英雄幾夜乾坤博忠孝誰家俎  
豆同腸斷兩宮終朔雪年年麥飯隔春風

雙義祠 鄺秀才沈之門生也沈修鄺守其尸

空山夜壑響金槌妖璉窮探寶玉輝趙氏已無羹飯  
主遺民猶餓首陽薇嚴丞相托楊都護鄺秀才收沈  
錦衣千古英雄無二轍黃金須鑄兩鬼鬼

送林先生掌教瀧水 余往年曾至端州瀧水其屬縣也

端州猶記昔曾過瀧水程途隔未多嶺表風烟非昨  
日海邦文字有餘波蘆花半出藤絲織帳色全分荔  
子和景物依然猶在眼六千里外柰君何

某君生朝抹牡丹爲壽

道德固爲長久物崇高亦是聖賢嘉莫言白首踈狂  
客也顏朱闌富貴花一研溫風輕散凍數尖濃葉醉  
塗雅試教挂向西京宅未許堯夫算有涯

孟冬下旬櫻桃作花折寄某君并小作二首希  
和而海棠一枝白醕一壺及妙味一絕已先  
在門矣予旣和其絕復擬此律方入哦見窓  
梅復花某山人至問其園云無不花也果爾  
豈能逐品爲賦因統以一律而昨夕風惡甚  
隣竹斷折劃如歲爆更江潭云樹猶如此人

何以堪噫傷哉

滿城花發不知冬閉戶經年等耗龔剪送海棠勞及  
我折寄櫻桃荅向儂雪打霜披知在卽粉腮胭頰爲  
誰穠昨宵况復狂風雨枕畔驚聞折籜龍

十月廿二日園西櫻桃數花便有蝶至二首

今節初冬逼下旬櫻桃數杪着花新天寒翠袖宜深  
幕日莫紅簾訝美人小頰預施三月粉微脂未褪昨  
宵唇梨花定不開天上百姓人家借小春

二

夏實每看當鳥盡冬花何事向人妍不堪憔悴行吟  
後故弄陽春欲雪前正苦白頭愁兀兀誰家黃蝶過  
娟娟杖藜立斷斜陽影淚盡西風送菊天

擬寄白雪樓

聞道樓成賀雀飛題顏却是怨金徽齊風大國誰其  
解楚雪高張聽者稀島蜃翻來窺百尺啼鮫只自墮  
雙璣古來一曲令人老此曲多從棄妾非

擬寄岳陽樓

余小齋扁曰芙蓉館

洞庭湖水百流沿洞庭湖岸一樓縣君山鏡浦蛾眉

外帝水鴻荒劫火前闌檻夢生秋客帳菰蘆光發夜  
蛟涎芙蓉館裡煩冤甚彼處漁舸快拍天

淮河成長吏索贈兩臺二首

果有龍蛻而徙之  
事時潘工部從此

黃河東下萬泥乾桐栢狂流自此安夾岸千艘移靜  
練連州百雉峙澄瀾蛟龍引避綠司空鴻鴈悲歌美  
縣官共指平江祠廟在今人千古拜蟬冠

二

青緜絳績去何之縱輓江南萬斛飛瓠子功高髡衛  
竹淮河波定走支祈荒陂百口歌黃鵠金簡連宵夢

繡衣從此倦槎河漢上直將雲錦緯天機

夜宿栖霞

共羨南齊此獨留大江終日俯 皇州山房百斗迎  
觀鼻石佛千巖待點頭午鉢鞞鞋轟地動夜壇螺鈸  
匝天流昨宵一宿胭脂井閒看松廳敲燭油

訪李岫巘山人於靈隱寺

時被繫七年暫放先是寓杭年少暇則扁

舟湖上故有未句

岫巘詩客學全真半日深山說鬼神送到澗聲無響  
處歸來明月滿前津七年火宅三車客十里荷花兩

槩人兩岸鷗鳧渾似昨就中應有舊相親

九月朔與諸友醉某子長安邸舍得花字

時一舊友

稍貳故及之時又值大除溝道

蒲庭山色半闌花觴曲交飛古俠家肝膽易傾除酒  
畔弟兄難會最天涯不教酩酊歸何事望到茱萸節  
尚賒燭暗溝渾都莫慮近來官道銼堆沙

某伯子惠虎丘茗謝之

虎丘春茗妙烘蒸七碗何愁不上升青箬舊封題穀  
雨紫沙新確買宜興却從梅月橫三弄細攪松風炮

一燈合向吳儂形管說好將書上玉壺冰

桐鄉馮母其子成進士疏母節

三遷近俎苦霜時一尺殊恩湛露垂自古男兒嬰白  
少誰家婺婦帝王知高齋客飯寧辭髮落葉寒機  
幾斷絲見說僊郎樓海曲更無魚鮓到塘西

又

青史他年定幾行太夫人傳在中央不須竊藥居明  
月自解將心結暗霜片匣遠飛鸞字重單雌親刷鳳  
毛長羅敷雖老携筐在付與吳姬出采桑

畫魚既作古詩矣久之復得七律二首

勺水寸魚何褊蕪斗方小亦放生池豆人寸馬非吾  
事雪白蕉紅任爾疑連歲波臣多死旱此中釣叟底  
垂絲點睛翻笑僧繇手飛向雲霄何所爲

二

茲圖稍似少陵詩微風吹雨出魚兒尺梢詎許牛溲  
活遠水何勞象隊移是處有魚爭聚網畫心無懶穩  
搖鬢五侯刀几知多少免爾爲鯖正在斯

擬送巡滇者二首

先君後先兩撫賊叙勞僅得  
夔州府同知不有名宦可祠

耶志可  
收耶

握節新爲萬里行何人不羨舊書生一簪白筆襜帷  
冷幾驛紅氈祖道平清淨共推周柱下糾彈交指沐  
黔寧故家門第須喬木何況 先皇許世臣

二

孟密土官爭寶井臨安那大反狂酋兩番並屬先人  
無一字曾無太史收正值同袍巡此地却嫌泥壁向  
高頭况無杯酒爲儂別安得切切絮所求

過伯升宅玩骨董而菖蒲尤盛魚有紅色有藍

色有玉有錦俱三尾如鼎又有水晶四尾者  
菖蒲鉢鉢虎須抽玳瑁盆盆錦鯽浮衰老一塵幾不  
染小兒百件欲拿周言歸肯問遲和早再到寧知得  
與不落日青山三四點幾回舟子促回舟

雪中移居二首

十度移家四十年今來移迫莫冬天破書一束苦濕  
雪折足雙鐺愁斷烟羅雀是門都解冷啼鶯換谷不  
成遷只堪醉咏梅花下其柰杖頭無酒錢

二



高雪壓瓦轟折椽跋凍移家勞可憐長鬚赤脚泥一  
尺買傭呼酒賒百錢饑鳥待我彼簷外梅花送客此  
窓前百苦千愁不在念腸斷茫茫黯黯天

送婁某丞丹陽

乃祖御史

吾兄驄馬後昆賢今佐鳴琴倍酒然雙杪長松廳事  
後三吳流水大江邊應憐道路疲迎送莫買鱗皇糜  
俸錢他日相過莫相忘金山頂上酌清泉

錢王孫餉蟹不減陳君肥傑酒而剝之特旨

鰕生用字換霜螯待詔將書易雪糕併是老饕營口

腹省教半李奪蟬螿百年生死鷓鴣杓一殼玄黃玳

瑤膏不有相知能餉此止持蠶脯下村醪

文符詔却唐王黃金

數笏而小人持一  
筮篋索字內之

荅嘉則二首次韻

一七十見壽  
一沮雨廢訪

十年纔一問平安只尺渾如對面看舊日詩評雖有  
價近來公論孰登壇百年忽已崦嵫莫一齒時崩首  
著盤臘雪秋潮同馬日何人不道是金蘭

二五言

桃花大水濱茅屋老畸人况直花三月真堪酒百巡

何錢將拄杖瞥眼忍辜春早識  
佳期過攀囊借貼津  
詣五洩驢上口占寄駱懷遠

勝賞猶縣百里堤蹄僵路滑不勝泥  
溪山待客寒雲外  
雨雪逢君楓樹西束帶豈難官自懶  
尺箒不重老能提何由共轡蒼苔上  
指與諸峰一一題

九流

九流渭也落何流戴髮星星一比丘  
紅袖曾酣樓上舞黑風仍墮海洋舟  
偷酩畢卓生爲酒辟穀張良死在留  
每枉尊罍思一報幾時將轄井中投

寄楊會稽公

由來活雀戀楊家北望金臺雲路賒  
野宿尚須愁艾葉卑飛何以報黃花  
三公自實行方始四壁成環美不瑕  
自媿卽非王母使徒將雙眼看榮華

鷄聲

雲中丹竈伴神僊亦有栖遲高樹顛  
向夕旣來迴客夢凌晨特去曉霜天  
韻飄籬外雛俱集頸漲花前繡愈圓  
不似吳門塘上鴨只將名姓向人宣

蛙聲

陂塘科斗書猶易海國侏儒譯較難草際不知何物  
語燈前直聽幾宵闌榴風爲遞愁蛇覺梅雨交喧亂  
鴨欄五寸卽且留不得令人爲爾發長嘆

蠅聲

附炎當午一何忙有物紛紛撲草堂似遞微言留襍  
穢更從高枕聒羲皇蒼翰帶響衝溷出赤喙飛譏引  
舌長寄與眼前消息道守宮只在讀書窓

蚊聲

蚊雷見中山書王傳栩栩爲蝶也出莊  
子以喻人當寤而被蚊陣覺其夢也蚊陣  
聲形俱絕  
類蝗陣

露筋秋草糜閨秀撼帳春雷竊帝權栩栩一番爲蝶  
夜薨薨萬翅蔽蝗天群呼不怕聞蝙蝠稍咽時應中  
燎烟世上好鳴鳴不得幾行仗馬王堦前

每過充輒擬謁闕里輒阻追賦一首

人云闕里  
封木蔽野

始門人會葬時  
携植故多異名

微言雖絕尚如繇盛典難逢却有時壞壁漸收秦後  
物太牢纔饗漢初祠路逢麋鹿非新狎石臥麒麟引  
舊悲卽景不應終不到况兼真玉斲蒙俱

林多古鹿  
而不避人

謁孟廟三首

廟有孟夫子石像云祠墓旁掘  
得意非秦漢時物也廟相極盛

祠廟遙將岱岳連道宗嫡自一燈傳師門已列三千  
上名世真壘五百年相影連卷穿漢出石人苔蘚  
周鑄拜瞻豈少洋洋在更向何方竟浩然

二

妙手傳神少對真道家炙聖豈須親菁功五世開千  
葉江漢雙流濯兩人鄉筭飯餘將野薦客驢日暮逐  
行塵明朝轉入千山去何地翻能寄采蘋時擬取所携筍脯一

薦以素飯因侶促而止

夏至

連旬潦甚而至日復陰將作重梅俗驗也他方競渡以端午而越俗獨於夏至用正

韻

陰霾塞野未云開北陸高躔日自迴小圃嘉蔬沒蕭  
艾大夫禴祭只楊梅江潭魚腹渾陳事天下龍舟為  
楚纍到處閨人如有識盃將豚酒醉儂歸

已而雨

競渡者家即歌雖未必爭出然亦其遺也

白日垂榆霽亦聞紅蜻促雨漲仍迴此方許並長沙  
濕何物能禁兩度梅巧巽炎花添濯濯故穿哀曲攪  
鬢鬢陰晴長短儂知慣且著蓑衣緩棹歸

壬午季夏朔作

正韻

後文集三集 卷之七 七  
滴盃澄水照星辰自許當年走庶人天地幾番愁混  
沌風塵連歲闔麒麟既餘尚許如初月復後仍堪點  
寸雲爲問新光如昨否下方恐有未掀盆

二

何處煤炤天上生萬方此際轉分明崦嵫忽作西來  
障潦雨新開午後晴夸父杖餘林狡獪吳剛力盡桂  
縱橫野人不下元和淚也向中庭獨自行夸父志追  
日杖化鄧

林特麻姑之狡獪  
耳喻道與糟拍

聞有賦壞翅鶴者予嘗傷事廢食羸眩致跌右

臂骨脫突肩臼昨冬涉夏復病脚軟必杖而  
後行茲也感僂耀之易賊羨今威而不皆橫  
榻哀吟輒得五首

澤國秋颺海色鮮飛騰無計只頽然雙栖入夜遮烟  
獨半影拖花鳥雪偏衣袒右肩慵梵客柳生左肘任  
皇天可憐獨剩滄溟氣乞與昂藏步榻邊

二

欲鳴不鳴拍不禁况復蒼蒼萬里心舞袖今餘兩垂  
手曝衣惟障一邊陰不辭搔拽將池遠似解跼躄照

井深傾國捧心翻所貴一庭歌影換清吟

三

隻輪將影壓堦苔盡日婆娑稍一穗擬接落梅衝復  
墮相逢創鴈嘯成哀朱軒衛國羞群載碧浪焦山暝  
獨埋却憶緱山今夜客鳳笙明月誇誰來

四

遨遊玄圃本僊材軒翥人間亦易催一臂風雲成苦  
縛滿身霜雪枉教裁紅芝大藥遙難寄碧海歌巢待  
不來莫以傍門須奪舍胎禽隨地浪投胎

五

舊日蘇耽避彈歸稜稜一臂墮何依春風借翼騰難  
遠夜月梳翎影半非鳥豳群嬉紛羽雪亭亭夢多觸信  
危機雙脰莫更論長短愁見江鳧上下飛

建陽李君寄馴鵬俄殪野狸信至燕哀以三曲

予四畜鵬而輒敗其一為庸東陽江楊氏所  
遺一從少保公行闔分諸廩饋一為錢子酬  
詩此則李所寄並閩產也○杜甫詠鸚鵡世  
人憐復損何用羽毛奇雍陶詩秋來見月興  
歸思自起開籠放白鵬

魚鳥尋盟未許同冥棲誰復伴龍鍾荒欄取食曾呼

掌繡尾迴霜罷掃籠老去逢愁消不易秋來見月放  
成空定知此夜魂遊處多在武夷山水中

二

素姿馴態碧山空劇爪貪涎一飽充殘粟幾乾遺甕  
水落花時起墮毛風千里提携兩蠻嶠四迴豢養一  
飄蓬將詩換得胡家者向後不知何所終

三

憶昨含悽下主庭殊方遠嫁儼姬嬴正憐妙羽控孤  
雪忍爲饑饕爛一腥草色應枯武夷道書山亦濕建

陽纓情鍾此輩非關癖猿鶴年來一壑情

賦得萬綠枝頭紅一點

名園樹樹老啼鶯葉底孤花巧弄春已拚濃陰渾覆  
鳥獨留殘豔尚撩人青樓百座迎桃葉翠袖傾宮捧  
太直記得隴西長吉語斗筲如海爲朱唇

王鄉人尋二十年之父櫬歸自衛輝合其母壙  
寄埋叢塚址印同有客叩戶萬莽中白骨兩鄉兒得  
父黃泉一笑嫗迎翁淚餘指點居亭老血盡歛函夜  
壑紅千古燈檠歸櫬事莫論真贗總輸儂

天池號篇爲趙君賦

江郎石上天池有蓮花有鯉

予耽莊叟言真誕子愛江郎石更奇詎意取爲雙別號遂令人喚兩天池修鱗在上何難躍大鳥須風不易吹從此丹蓮蒼壁裡一泓秋水看龍飛

再到太寧寺老僧釀甚良一宿而別戲題其壁  
二十年前此一來天荒地老不曾開忽看小閣雙暈起復問長松幾歲栽半脫昆盧驚削雪重逢圓澤是投胎瓦盆正倒梅花下不道匆匆放我回

賦得漁人網集澄潭下二首

澄潭苦深着釣難小舸密網截江灣試窺笠影幾簷側不放蘆花一處閒壺榼有時將伴去魚蝦無數換錢還大家晚飯妻兒後留醉樵人話莫山

二

紅椒碧鮮數藝州百網家家白鷺洲柳外鳴榔喧隔浦夜來燃竹浦中流長鯨未必愁連弩公子仍煩餌一牛提向酒家都藿葉可憐無計避鐘油

宣府客寺冬十六夕坐月

上谷正苦酒價高遼東又斷販來貂冰花遇水連朝



結榆葉愁霜一夜凋客襖不勝狐貉重胡裝驚見駱  
駝高東廂隙月衝寒入似爲羈人伴寂寥

十七夕

宣城中遶溝皆流水至是冰咽矣

銀帶邊兒駿馬馱西墻倒酒劇懸河高松入座無人  
對明月當杯柰夜何此際鄉心愁不少蒲城流水響  
無多東房老袖憐半落夜夜來吹鶻打鶻

金壇鄧老儒獲白鴈於庄陂

金壇有長蕩湖

白鴈翩翩拂太清荒陂漠漠落弦驚蔣振塞浦從教  
暗鶴鶴群飛爾獨明共許主人高伯道肯容豎子饌

莊生長湖秋老蘆稀後無限橫霄鷺鷥情

賦得賈客船隨返照來二首

篷底天長日漸西西來旅思正依依半江霽色隨霞  
盡一片風帆共鳥歸高館柳香來酒甕大堤花豔倚  
羅衣長年不泊將何往欲解腰纏醉落暉

二

千金不惜買鳴箏萬斛魚鹽水上行幾度烟波愁日  
暮半程風物趁天晴西郊鸛鶴摩雲入東道舸舫晚  
飯迎笑指紅霞如有意乾衣騎馬廣陵城

其君索詩往壽其兄鎮公

鎮嘗爲予解紛

道門延壽說陰功黃鶴黃花意未窮一壑他年赤松  
伴百城今日紫纈公秋榆北地關心急春草南來入  
夢通想見青油張幕處雙簪棠棣醉春風

秋日避暑豁然堂

下方日日混風塵獨此登臨眼倍明萬杪作濤天外  
度群山學黛雨中成朱楓落葉逢窓入錦雉將雛睨  
客行便擬裹糧來挂竈元聞齋飯有閒鐺

再咏八僊臺

叔夜傳廣陵散亦有八仙人其地  
名八仙塚上辛日八公至淮南王

館

神僊本是住樓人况引雙湖夾鏡春小水風光媚筆  
鶴大羅宮闕鎖金銀不教叔夜傳遺散稍許淮南拜  
上辛見說傳書盡青鳥定應一隻渡江津

送某君暨其伯氏還松江

燕市相逢已莫春弟兄傾蓋往來頻海天一日歸雙  
鴈柳色長亭悵幾人等是苦辛尤日莫漸逢蓮藕始  
鄉津不知黃浦秋來月醉後同誰網細鱗

王山人道中六十

後文長三集 卷之七  
梅花梅蓋記生辰東郭東門隱者身生計養魚仍捕  
獺深秋熟果半分隣梅將兵畧再三謁更作詩人四  
十春莫道尊前無綵袖伏生一女老傳經

書劉子梅譜二首有序

此予未習畫之作

劉典寶一日持已所譜梅花凡二十有二以  
過予請評予不能盡而盡之意則稍解至於  
詩則不特稍解且稍能矣自古咏梅詩以千  
百計大率刻深而求似多不足而約畧而不  
求似者多有餘然則畫梅者得無亦似之乎

典寶君之譜梅其畫家之法必不可少者予  
不能道之至若其不求似而有餘則予之所  
深取也急撇一過不必跨驢向灞橋而詩思  
飄然於是呼管仲典君書舊所贈二幅使吟  
之典君試吟果亦不必跨驢向灞橋而畫思  
飄然更掃一枝以歸我耶

曳裾纔謝楚江蘭却寫梅花贈歲寒馬上不殊新折  
寄雪中又少舊年看影從棘畔墻俱白挂到宵闌月  
倍團分付東風好將護他年山館障闌干